

rentur pro expressis, habentes non tenere et nemini quominus eisdem venetis favendo, sub colore earum censuras et poenas prædictas incurrant, excusationem præstare posse, declaramus observent quoquo modo. Cæterum, si moniti, excommunicati, interdicti, anathematizati, maledicti, privati et inhabilitati prædicti, postquam privationis et inhabilitationis poenas prædictas incurrerint, obstinata animi duritie nostris monitioni et mandato prædictis ulterius distulerint obtemperare, ex nunc prout ex tunc omnes reges, principes, marchiones, barones, communitates, universitates et quoscumque alios terrarum dominos et gentium armorum capitaneos, ad quorumcumque fidelium stipendia militantes, et alias quascumque personas, tam per mare quam per terram facultatem et potestatem habentes, requirimus per præsentis, eisque et cuilibet ipsorum, in virtute sanctæ obedientiæ præcipimus et mandamus, quatenus contra eosdem venetos, hac in sua obstinatione perseverantes, pro honore prædictæ sedis armis insurgant eosque persequi et debellare ad restitutionem quoque ablatorum sanctæ romanæ Ecclesiæ faciendam cogere procurent; et ne nostras civitates et loca quæcumque occupent, se eis exponant et in ipsorum venetorum poenam. Et pro eorum plectenda rebellione hujusmodi quoscumque venetos et eorum civitatibus, terris et locis et dominiis degentes et civitatum, terrarum et locorum, quorum communitates, universitates et incolæ præfatos venetos in eorum dominos recognoscere, et eis, ut eorum dominis, obtemperare præsumpserint, postquam ipsi veneti privationis juris eorum in illis poenam incurrissent, ubicumque eos invenerint capiant et captivos teneant eorumque mercantias, pecunias, navigia, credita, res et bona omnia in proprios usus convertant. Nos enim, auctoritate et de plenitudine potestatis præmissa, ipsis arma sumentibus et aliquos eorundem venetorum et subditorum, eisdem tunc eorum ditioni obtemperantium, eorum res et bona in hujusmodi eventum capientibus, universa pecunias, jocalia, mercantias, navigia, animalia, res et bona mobilia et immobilia, ubique locorum, etiam extra loca territorii eorundem venetorum, civitates quoque castra et loca eorundem venetorum, civitates, quæ sic receperint, eis in prædam concedimus et volumus illa ad eosdem capientes pleno jure pertinere, et personas ex Venetiis aut aliis civitatibus, terris et locis, quorum communia et universitates ab eorum obedientia, prout eis mandatur per præsentis, se non subtraxerint, ut præfertur originem trahentes, seu in illis domicilium habentes, quas ubique locorum

capi contigerit, servos fieri capientium. Concedimus quoque eisdem, qui sic contra eosdem venetos pro romanæ Ecclesiæ defensione et rerum sibi ablatarum et apostolicæ auctoritatis reintegratione ipsorum venetorum bello et oppugnationi hujusmodi se opposuerint, et ad defensionem nostram quomodolibet præstiterint auxilium, consilium vel favorem, plenariam omnium peccatorum suorum indulgentiam et remissionem. Et si qui reges, duces, principes, marchiones, comites, barones, communitates, universitates, collegia, tam in Italia quam extra Italiam constituta, aut quævis aliæ etiam particulares personæ, per se vel alium seu alios, publice vel occulte, directe vel indirecte, quovis quæsito colore eisdem venetis, excommunicatis, anathematizatis, maledictis, privatis et inhabilitatis contra romanam Ecclesiam in præmissis vel aliquo eorum arma, pecunias aut comæatum ministrare, seu auxilium, consilium, vel favorem quovismodo præbere præsumpserint, aut cum commode possent, a spolio, depredatione et captura eorundem venetorum subditorum suorum abstineant, quicumque fuerint etiam quacumque excelsa præditi dignitate, maledicti et excommunicati existant, et divino percussi anathemate, nec de salute animæ sperent, nisi ante finem dictæ poenitentiam agentes, apostolica fuerint auctoritate absoluti. Universitates vero sciant sibi divinis penitus interdictum, et nisi se correxerint, divinam expectent ultionem, et nihilominus earum singulares personæ paribus excommunicationis sententia et aliis poenis, quibus alii excommunicati prædicti, exinde innotentur. Ut præmissa omnibus innotescant, universis et singulis patriarchis, episcopis, patriarchalium, metropolitanensium et aliarum cathedralium et collegiarum ecclesiarum, prælatis, capitulis et personis aliis ecclesiasticis, etiam quorumvis ordinum etiam mendicantium, religiosiis exemptis et non exemptis, per universum orbem et præsertim in Italia constitutis, mandantes, 96 quatenus ipsi et quilibet eorum, sub similibus censuris et poenis, per eos et singulares personas eorundem capitulorum, si postquam vigore præsentium requisiti fuerint, infra tres dies, quorum unum pro primo et alium pro secundo ac reliquum pro tertio et peremptorio termino, canonica monitione præmissa, assignamus, non paruerint, eo ipso incurrendis eosdem ducem, consiliarios, commune Venetiarum et singulares ejusdem communis personas, officiales, provisores, consiliarios, fautores, adherentes, complices et sequaces eorum ac alios monitos præfatos, decursis eis assignatis terminis prædictis, si non paruerint, in eorum ecclesiis, dominicis et aliis festivis